

餘杭縣志卷三

鄉里 市鎮

縣之有鄉里往往年遠而名數不同餘杭舊有三十鄉其名不傳寰宇記僅存其數大抵宋以前所轄或析縣時割屬臨水然寰宇記又云今十四鄉至咸淳作志時未逾三百年僅存八鄉不知何時併省至今相沿不改六朝唐宋之制縣與鎮相為表裏鎮大則升為縣縣小則降為鎮鎮有將猶今之分防廳汛也今則人烟聚落皆謂之鎮視古稍別然皆足以覘保聚而慶盈寧故與鄉里並詳錄焉

舊三十鄉今十四鄉 太平寰宇記

餘杭縣志

卷二 鄉里

一

餘杭縣管八鄉 安樂鄉管里一居賢 欽德鄉管里一鳳

亭 招德鄉管里一由拳 同化鄉管里一仙宅 長安

鄉管里一永泰 止戈鄉管里二安仁修義 咸淳志 孝行 里一

進賢 常熟 里一

按咸淳志稱八鄉今抄本只列六鄉必傳寫之脫誤也康熙舊縣志引咸淳志有孝行常熟二鄉適合今八鄉之數因據以補之

舊志有五隅屬招德鄉

在城隅一里 東南隅三里 西北隅一里

里 按招德咸淳志又 今止東南一東南二在城一西北

一為四隅其東隅北隅今無

招德鄉 縣西南又管四界今三界 朱橋界二里 南建界一里 上壽界一里

舊縣志南建成化志為南見舊朱橋上壽併一界今分為二

欽德鄉 縣東南管二界二保一扇西舍界一里四文山界  
里 閑林六七保一里 閑林東扇二里

安樂鄉 縣東管四界二保東唐界一里 免函界一里  
靈源二三保一里 靈源四五

安樂鄉 新增六保金宋保二里 新壩保一里 阮週保二里  
保一里 舊縣志支港作支巷

同化鄉 成化府志 在縣西北管三界郎王界二里盛宅界  
作同德鄉 章鄭保 一里

孝行鄉 縣西北管四界白社界一里 後查界一里  
以上號水南四鄉

餘杭縣志

卷二 鄉里

二

常熟鄉 縣北管四界二扇山坑界二里 山後界二里  
東林東扇二里 東林西扇二里

長安鄉 縣西北管四界吳山界二里 舊市界二里  
止戈鄉 縣西北管四界同前界二里 黃湖界二里

以上號水北四鄉 總之凡七十三里舊縣志

按咸淳志所載鄉里大率與明時之里數多寡絕不相  
侔明時七十三里臨安縣只四十八里而咸淳志臨安  
有九十八里餘杭只九里地之墾廢戶之盈縮何至如  
是懸殊蓋宋所謂里與明時編戶計數之制未必同也

市鎮

縣市 在郭內西百步周二里漢令陳渾置咸淳 自縣治東

至部伍橋止通商賈居民稠密嘉靖

餘杭鎮 在溪南今廢咸淳志

唐及五代餘杭縣治在苕溪之南此鎮當是宋徙溪北舊

治所改府志

新街市 在縣東一里餘天順末邑人鄒煜買地開廣通南

渠河四時茶紙鹽米諸貨畢集嘉靖縣志

閑林鎮 在餘杭縣東南十八里有閑林塘宋時置閑林酒

庫明初鄧愈略臨安破張士誠兵于閑林寨卽此大清一統志

瓶窰鎮 去縣東三十里與錢塘接界鎮之大半屬錢塘萬曆

府志

瓶窰地俗樸民勤自農桑外多以埏埴爲業故市廛之與

餘杭縣志

卷三 市鎮

三

陶穴相望如櫛比朱國禎真寂院記

明蔣灼聞田子藝調兵瓶窰時有倭寇因與令伯文明共訪  
南山寺詩云溪上悠悠鼓角鳴知君已守北鄉營雨深客  
路曾分袂夜靜轅門獨請纓訪舊偶從蕭寺集移尊  
還對竹堂清相看况有參軍在好繼穰苴奕世名

石瀨鎮 在縣東北三十五里宋時有酒庫并設巡司明因

之今裁大清一統志

自許墩上橋至雲福禪院止聚山貨通商賈舟楫嘉靖縣志

石瀨市 在縣東北六十里咸淳志

此道里之數與今石瀨鎮懸殊或鎮與市本爲兩地府志

曹溪鎮 在縣北二十五里咸淳志

唐歐陽詢靈嶽寺記去餘杭縣西北有鎮曰曹橋北走十

里得精舍曰靈嶽蓋卽曹溪鎮也神州古史考

黃湖鎮 去縣北四十里在黃湖界萬歷府志

長樂市 在縣西北二十里通舟楫聚山貨嘉靖縣志舊縣志作長樂鎮在

縣西北二十五里長安鄉舊市界

雙溪鎮 在縣西北三十五里卽雙溪合流處自獨松而南

此為要路大清一統志

明梁安世雙溪詩春霖漲合兩溪乎雪浪中浮桑柘青南市喚船撐未到一番蓑笠滿津亭

浣坎鎮 在縣西一十五里今廢咸淳志

按宋施宿蘇文忠公詩注浣坎當作皖坎在縣西南往洞霄宮必由之經所渡之溪卽木竹河之上流當河未湮時竹山貨可以乘舟運載商販聚而成鎮後河既湮則鎮亦廢當卽今之皖坎塢也

餘杭縣志

卷三 市鎮

四

坊表

縣有坊表坊者方也人所在之里也表者標也表異其宅里也二者制異而用同餘邑坊雖不多然散在城鄉者居民宅里猶多系以坊名則雖廢猶存况其存焉者乎士志功名女崇節孝皆得邀

恩標建則茲錄正以為後來勸也

武林首鎮坊內題赤子在望 在縣治前明萬歷三十九年

知縣戴日強建今圯舊縣志下同

宣化坊

新民坊 俱在舊縣治前漢熹平間縣令陳渾建今圯

晝錦坊 在縣南爲副使沈慶立今圮

爲國憂民坊

榮祿坊 圮今

上卿坊

少保坊 以上四坊在大街明爲禮部尚書鄒榦立

五世恩榮坊 在大街許家井上順治十七年間巡按楊旬

暎爲吏科都給事中嚴沆祖父建

尚義坊 在大街爲致仕巡檢董欽賑濟饑民明萬歷十六

年立

香泉坊 在大街內有四眼井故名

餘杭縣志

卷二

坊表

五

梯雲坊 在橫街西內有周章府君廟

澄清坊 在縣東二百步許大街北內有按察分司署

太平坊 在澄清坊內西小橫街

登俊坊 在縣東大街爲知縣孫紘立今圮

世科坊 在縣東大街壩上爲知縣王春立今圮

進士坊 在縣東大街爲參政仰儒立

進士坊 在縣東大街爲進士徐綺立今圮

進士坊 在縣東擢秀坊內爲監察御史徐禮立今圮

文惠坊 在縣治東南里晉常山太守俞歸宅在坊內宋時

科甲繼美因名其坊今俗呼爲竹木巷

松楊坊 在縣西五十步大街北內有松楊二府君廟

保民坊 在縣治北近城隍廟

瞻雲坊 在大街東次豐樂坊內有凌統廟今名木香巷

仁壽坊 在大街南

光教坊 在大街南通永安寺舊名登雲

清河坊 在大街南壩東舊名安樂

通河坊 在大街南

南閭坊 在大街南今呼濟川

繡衣坊 在大街南通邵家橋爲街史邵貞立

聯桂坊 在大街南內有宋氏弟兄聯第故名今呼竹木巷

餘杭縣志

卷二

坊表

六

攀麟坊 在大街西次通仙坊內有吳府君廟今圯

興賢坊 在舊儒學東

育才坊

道德宗師坊 俱在舊儒學前今圯

宮牆坊 在今儒學前舊名大成坊知縣程汝繼修學改名

安富坊 在大街北又名木香街通瞻雲坊

安濟坊 在大街北內有養濟院故名

北閭坊 在大街北今呼孫家巷

德懋坊 在大街北

市司坊 在大街北內有稅課局

際留坊 在大街北元置際留倉于此故名

集慶坊 在大街北榮春門外

泰亨坊 在通濟橋北亦名太平

旌節坊 在通濟橋北爲吳金妻謝氏立今燬

和豐坊 在通濟橋北塊之東唐上元年間有章姓者居坊

內昆仲二人兄名和弟名豐咸敦孝義後邑人就以名其

坊亦云孝義坊內有高家衙今通東門

豐樂坊 在通濟橋內有翫江樓今圯

名世流芳 在通濟橋南爲萬歷丙午解元姚星吳天啓甲

子舉人姚明卿立

進士坊 在通濟橋南爲工部主事方雲鶴立

通仙坊 在通濟橋南通洞霄宮路又名學道

遷善坊 在萬歲橋東宋紹興間縣令范仲將遷儒學法喜

院基故名又名擢秀明嘉靖二十九年知縣周之冕教諭

李鵬舉仍遷舊基坊圯

和平坊 在部伍橋西通顯聖寺

南湖勝概坊 在縣南五里東嶽廟之西禮部尙書鄒榘立

今圯

九峯拱秀坊 在縣西南十八里洞霄宮之前義民吳璵立

洞天福地坊 在洞霄宮之前宋理宗淳祐七年御書

按理宗御書洞天福地四字額  
今移在洞霄宮內懸于方丈

科第聯輝 在橫溪石蛤橋爲徐氏立

旌節坊 在橫溪爲徐璞妻邵氏立

貞節坊 在郎王界爲吳迪妻石氏立今圯

雙烈坊 在黃湖鎮爲本學生員趙懷誠妻潘氏弟懷珍妻

沈氏立

進士坊 在山前界爲員外郎盛雲立今圯

旌節坊 在山前界爲盛治妻丁氏立

擢科坊 在石瀨市爲知縣翁永年立今圯

進士坊 在石瀨爲方坤立

餘杭縣志

卷二

坊表

八

旌節坊 在石瀨市爲翁隆妻沈氏立

關梁

關隘橋梁他志多析爲二然關以禦暴梁以通津故律有  
偷度關津之條正以其事相因而斷可同科也餘邑關隘  
無多橋梁則以數十計溪源茗水河達會城一出運河可  
以上溯

帝京橋之爲用宏矣故關梁並列一覽而險要瞭如步渡之細  
亦資利涉并附載之

獨松關 在縣西北九十里獨松嶺上自天目山而北重岡  
疊澗迴環數百里獨松嶺傑峙其中嶺路狹險東南則直

走臨安西北則道取安吉廣德爲南浙二境步騎爭逐之  
交東南有事此亦必爭之地也唐武德四年時李子通據

餘杭隋餘杭郡  
治錢塘縣杜伏威將王雄誕擊之子通以精兵守獨

松嶺雄誕遣別將千人乘高據險逼之多設疑兵子通

遁走宋建炎三年兀朮自廣德過獨松關見無戍者謂其

下曰南朝若以羸兵數百守關吾豈得度哉德祐元年以

元兵漸逼遣將烈戍要害命羅林戍獨松關元將阿剌罕

自建康分兵出廣德四安鎮在湖州府  
長興縣犯獨松關陷之臨

安震懼其與獨松關近者又有百丈關在縣西北八十里

百丈嶺上北與湖州府安吉州分界地有百  
丈鎮又有幽嶺關

餘杭縣志

卷二 關梁

在安吉州孝豐縣東南三十里幽嶺上其東南與餘杭縣

分界謂之獨松三關元至正十二年徐壽輝將項普略等

屢犯杭州攻獨松百丈幽嶺三關董搏霄擊之以兵先守

雙溪在餘杭縣西  
北三十里雙溪者三關要路也既又分爲三軍一

出獨松嶺一出百丈一出幽嶺然後會兵搗賊巢遂乘勝

復安吉進克廣德平徽州蓋自昔爲險要之地矣讀史方  
輿紀要

北至湖州府安吉州獨松關界出北門往西北十里至新

嶺十里至曹橋十里至雙溪十里至黃湖十里至蘇兒鋪

十里至百丈塢十里至獨松關舊縣  
志

獨松關在縣西北古城界出北門九十里高四十二丈巖

鄣深高山岫邃密僅通單步路不容軌上有關關外爲安  
吉州界由關直走五百里卽至金陵故爲江浙要地向屯  
兵守禦有一夫當關之勢元兵取臨安分兵破關而入伯  
顏過此嘆曰若宋有百人守此豈得入哉通志載獨松關  
守臣張濡率兵禦元人于此文文山亦特開幕府守此關

續縣志

按舊縣志所載出北門往西北行至獨松關共七十里此云出北門九十里似訛

馬頭關 在縣東北

通濟橋

一名隆興橋跨大溪本名北溪橋咸淳志

在縣東半里漢熹平間建名隆興五代錢武肅王重建改

餘杭縣志

卷二

關梁

十

名安鎮宋紹興十二年復建改今名元末燬明洪武元年  
令魏本初重建袤二十五丈廣三丈五尺餘甲于境內俗

呼大橋

嘉靖縣志

國朝康熙五年知縣宋士吉重修通志

在縣東跨苕溪其旁有安鎮廟宋紹興十二年建以木爲  
梁元至正十八年山寇縱火焚之明洪武元年重建通易  
以石正統間縣丞邱熙岳加石欄於兩旁舊縣志今皆架屋

成市

續縣志

國朝乾隆二十二年邑人宋文瑞重修嘉慶初年搶水石圮在  
城紳士重甃鞏固倍於舊

國朝任昌運通濟橋詩通津橋跨大溪上小店多開  
橋上頭一路籃輿行地穩不知鼇背駕層樓

萬歲橋 在縣東半里按察分司之側昔吳越王道經于此  
百姓皆呼萬歲故名萬歷府志

南湖六橋 在南湖十字塘中明萬歷年間知縣戴日強重  
建塘舊如西湖蘇堤六橋環跨歲久橋圯康熙二十三年  
知縣龔嶸捐俸修築旁植桃柳今廢

邵家橋

興聖橋 以上二橋俱跨南渠河去縣治東二里舊縣志

部伍橋 在南渠河上去縣東二里三十步咸淳志 宋咸淳五

年重建明成化間知縣武英脩正德四年大水傾圮主簿

餘杭縣志

卷三 關梁

十一

陳祥復建續縣志

國朝嘉慶七年又圯於水十一年里人重建

按縣東三里橋北有部伍亭吳凌  
統募民立部伍于此禦寇故名

馬家橋 在縣東三里跨南渠河宋端平三年邑人馬氏建

觀音橋 在舊市界明萬歷年間造舊縣志

安樂橋 在縣東四里跨南渠河漢熹乎間建以近安樂山

故名端平三年重建復為洪水傾壞明洪武四年寶輪寺

僧重建續縣志

國朝乾隆二十七年大水圯仇山下地藏殿僧聖儀重建

馬澗橋 在縣南七里半南上湖口山脚不通舟楫因置馬

監于上故名今圯舊縣志下同

文昌橋 在縣東四里跨南渠河明萬歷二十年令舒兆嘉  
水中築臺建文昌閣橋翼兩側

按文昌閣碑記南北兩橋其北橋為明旌尚義董欽建  
國朝嘉慶元年欽八世孫進士作棟併南橋重新之舊制橋背  
如虹今如砥名北橋攀桂南橋登瀛

謝家涇橋 在縣東五里南渠河之南跨港亦名青石橋萬歷

府志舊以木為梁明宏治間知縣冉繼志易以石正德二年

主簿陳祥重修易名青石橋舊縣志乾隆二十七年大水圯

牛坊橋 在縣東五里有奇舊縣志

畫師橋 在縣東六里明戴文進寓此因名

餘杭縣志 卷三 關梁 十二

上曹橋 下曹橋 在縣東九里橫瀆鋪之西宋崇寧五年

邑人曹成建嘉靖縣志

按萬歷府志謂下曹橋在縣東十二里

乾橋 在縣東一十二里舊縣志下同

城西橋 在縣東十二里西鋪橋之西跨餘杭塘河明萬歷  
三十九年邑人共建

橫瀆橋 在縣東一十五里跨靈源港唐大歷四年建距橫  
瀆五里有橫瀆鋪故名元至正初重建明永樂三年主簿

黃宗振復修宏治四年本縣舉人符俊重建

後王橋 在縣東一十五里坐後王界故名明宏治年間邑

人鄒煜重建

周家橋 在護國山之南明宏治年間周禮隱居於此建橋故名

西鋪橋 在縣東一十七里靈源鋪西跨餘杭渠河宋紹興五年建明洪武中復修亦名靈源橋

寺興橋 在縣東一十八里靈源院西跨小港唐咸通七年僧善本建故名

城署橋 在寺興橋東屬靈源二三保

金家橋 在縣東二十三里靈源二三保跨少港元至元間里人金武建故名

餘杭縣志

卷二

關梁

十三

福嚴橋 在縣東二十四里俗稱三元橋靈源二三保面河

下蔡橋 在縣東二十五里南接官河北通諸港宋祥符元年重建在下蔡村

孫家橋 在縣東二十六里靈源四五保通餘杭河明洪武年間邑人孫氏建故名

長橋 在縣東二十八里東漢熹平間建宋端平二年重建餘杭錢塘二縣以長橋爲東西兩界自部伍橋至此東接

錢塘路

以上縣東境

安濟橋 在縣南半里

咸淳志

舊縣橋 在縣南一里跨南渠河唐上元元年建東漢時縣

治在此橋之北故名萬歷縣志明萬歷三十六年水決橋圯知

縣戴日強重建續縣志

國朝乾隆二十七年又為水圯貢生鮑煊重建

按咸淳志有官橋在溪南舊縣前南渠河上蓋即此

衆善橋 在溪南舊縣東二十步南渠河上咸淳志下同

靈光橋 在溪南舊縣前一里

按府志云二橋自明以來各志不載或已廢或更名今難遽定

濟川橋 在縣南二里舊縣橋之東跨南渠河宏治間里民

徐杲新建嘉靖縣志

餘杭縣志

卷二

關梁

十四

張公橋 在南渠河上餘杭風土記云後漢末邑人張儼好

學有賢德嘗種瓠以所市錢為橋俗呼葫蘆橋咸淳志在縣

東南一里宋天聖二年邑人支贊支佑重建又名支家橋

明萬歷三十六年大水圯知縣戴日強重建舊府志

國朝乾隆二十七年水決南湖橋又圯貢生鮑煊重建

支家橋 在溪南南渠河上張公橋東一里有奇咸淳志

按府志云舊府志謂宋天聖初邑人支贊支佑重建葫蘆橋因又名支家橋以葫蘆支家為一非也

上圯橋 在縣東南四里徐湖界跨廟港不通舟楫其橋建

於村野古有是名嘉靖縣志

嶽廟橋 在縣東南五里嶽廟前舊縣志

石櫺橋

在縣東南五里嶽廟之東南宋咸平間建

成化府志

橋

跨山溪不通舟楫宋咸平間建明永樂六年吳思敬重修

舊縣志

舒橋

在縣東南五里分殺南湖滾壩下流之所出

萬曆縣志

國朝乾隆間邑人陳如松重建移橋址于南十餘步本名樂成橋

寶輪橋

在縣東南四里由舒橋溪一帶來近寶輪寺故名

舊縣志

水灘橋

在縣南六里南上湖之口通南下湖跨溪灘不通

舟楫元至正二年建因在灘上故名舊呼水獺聲相近也

餘杭縣志

卷二

關梁

十五

嘉靖縣志

元至正二年邑人建明正德四年間道人徐慶募緣

重建

續縣志

文山橋

在縣東南八里文山界跨小港宋景祐二年建

續縣志

同志下

陳家橋

在縣東南八里文山界跨廟港有陳姓者居其旁

故名

石蛤橋

在縣東南九里西舍界跨山溪在石蛤村故名

萬曆

府志

唐光化二年建明永樂三年洪水圯壞後加石板於上

續縣志

下湖橋

在縣東南一十里徐湖界跨小港

舊縣志

在朱葛保

元至元間胡氏建又名朱廟橋續縣志

章家橋 在縣東南一十里閑林六七保跨官河宋淳祐間

建明正德十二年知縣喻江命道人徐慶募緣重建舊縣志

胡家橋 在縣東南一十里里人胡氏建舊縣志

葛巷橋 在縣東南十六里朱葛保跨官河舊縣志 宋開平間

建因在葛巷村故名舊續志

閑林寺橋 在縣東南十八里跨官河宋淳祐二年建嘉靖縣志

按萬歷府志亦稱閑林寺舊通志作閑林埠續縣志作閑林市橋

何母橋 在縣東南二十里徐湖界新壩保跨官河東有陡

門二座抵防水患有陳姓者世居于此環溪綿流不絕實

餘杭縣志

卷二

關梁

十六

名和睦方音曰何母也舊縣志

以上縣東南暨南境

丁公橋 在溪北去舊縣西十二里丁氏家傳云丁遵梁天

監初為臨安令受代築室山間學道嘗為橋以濟不通邑

人德之號丁公橋咸淳志

按成化萬歷府志嘉靖縣志並云丁公橋在縣西八里盛宅界跨山澗所載丁遵造橋事俱同舊縣志則云丁橋在縣西一十二里吳司徒丁固墓在橋北山下九世孫遵梁天監中為臨安令後築室山間造橋以便行者人呼為丁橋

通仙橋 自縣通真門入洞霄宮大路宋建炎間建大滌洞天記

在縣西南五里郎王界跨石門港宋建炎間建後水衝圮

永樂九年仍以石爲之俗呼爲石門橋嘉靖縣志

按應作在城界非郎王界

道士橋 在縣西南六里跨小澗宋紹興間洞霄宮道士貝

大欽造故名萬歷縣志

朝元橋 在宮門外五里俗呼湖塘橋洞霄宮志 縣西南八里萬歷

府志 舊名水碓橋舊縣志

東溪橋 在縣西南十里南建界跨東溪不通舟楫宋景祐

元年建以溪在由拳山東故名嘉靖縣志

雙仙橋 俗呼雙橋頭昔郭真君與葛仙翁倚杖對談于此

大滌洞天記 縣西南十八里九鎖山山門外萬歷府志

餘杭縣志 卷二 關梁 十七

玉泉橋 在東天柱嶺下俗呼麻車橋大滌洞天記 去雙仙橋二

里餘舊縣志

鳴鳳橋 俗呼袁家橋洞霄宮志 去玉泉橋七十步成化府志

會仙橋 入宮門大路跨澗爲橋大滌洞天記 去鳴鳳橋四百二

十步

元同橋 在洞天福地門裏下通池水出翠蛟亭大滌洞天記

按橋闌石刻云淳熙甲辰重九日錦城施十宣教施錢建凡十六字甲辰爲淳熙十一年

白石橋 在縣西南二十里萬歷府志

以上縣西暨西南境

長樂橋 在縣西北二十五里後杳界嘉靖縣志

青芝橋 在縣北二十里長樂芝山之麓舊編竹爲之乾隆四十二年里人施青錢等醵資甃石前令袁煒爲之記白石溪橋 在后杳二莊嘉慶丁卯洪世家募建

迴龍橋 俗云洞橋澗水滌洄逆注橋下徑山志出餘杭北門

約四十里至洞橋爲徑山寺界

張經元游記

船橋 在直嶺外雨後溪深船可至此徑山志

通徑橋 鎖大安澗口

蓮花橋 在縣北半里郎王界東漢熹平二年建跨濠池通

鋪路每夏月池蓮盛開故名宋淳祐間重建萬歷府志

苧山橋 在縣北一十四里仙宅界跨小港元至正間建因

餘杭縣志

卷二

關梁

十八

在苧山畝故名嘉靖縣志下同

半畝橋 在縣北十五里仙宅界跨小港元大德己亥里人

建以去苧山畝半里故名

按府志云萬歷府志謂此橋在縣北三里苧山橋在縣北二十四里皆誤

媵湖橋 在縣北一十六里仙宅界跨小港元至元丙子邑

人建因在媵湖畝故名舊縣志

邵墓橋 在縣北一十八里白社界跨長樂港東漢熹平間

建宋開禧二年重建明正德三年主簿陳祥重建以近邵

墓故名舊縣志

國朝乾隆三十三年邑貢生陳筵重建

後亭橋 在白社界萬歷府志

赤里橋 在縣北二十里吳市界舊縣志下同

蹇庵橋 在縣北二十里里人李杰建

曹橋 在溪北去縣二十五里咸淳志 在縣北孝行鄉舊市界

跨徑山小港宋開禧間建明洪武初復建因曹氏居其旁

故名嘉靖縣志

遺安橋 在縣西北二十五里由此至徑山取道至近明嘉

靖間里人孫岳建舊縣志

潘板橋萬曆府志作潘板 在縣北二十五里吳山界舊通志

雙溪橋 在縣北三十五里吳山界不通舟楫宋建炎間建

餘杭縣志

卷三

關梁

十九

因跨雙溪故名嘉靖縣志

黃湖橋 在縣北四十五里黃湖乾隆間里人刑部郎陳紹

翔重建橋臨山溪地形陡仄春水漲溢易致傾圮紹翔建

橋後復獨捐田數畝以其租入為每歲脩橋之費又慮橋

或衝圮脩葺不時人當病涉復設渡筏捐田二畝收息以

給撐筏者俾不得藉端需索現在其子監生世望經辦

浮里橋 在縣北四十五里亦里人陳紹翔重建逐年脩葺

現在其子主事世杰經辦

以上縣西北暨北境

盧公橋 在縣東北一十五里跨溪宋嘉泰二年里人盧氏

建故名

萬歷府志

許墩上橋 在縣東北二十五里石瀨市跨徑山港宋咸淳

間里人重建明洪武間又建名歸錦橋

舊縣志下同

戚家橋 在縣東北二十五里山後界石瀨市跨徑山港唐

寶歷間建後圯宋開慶初里人戚氏建故名

陶村橋 在縣東北二十五里舊市界

橫塘橋 在縣東北二十六里石瀨市

盛家橋 在縣東北三十里石瀨市盛氏所建因名

以上縣東北境

西門渡

餘杭縣志

卷三

關梁

二十

續縣志餘邑西門大溪接臨安山水萬流所湊往來者褰裳胥溺實多知縣龔巖捐資造舟便渡

石門灘渡 出西門約五里其南有石門橋通仙橋

中洪渡 上洪渡 上壽界

汪家步渡 塢頭渡 西門至此約十五里無橋梁居人設

舟利涉

餘杭縣志卷三終